



15.august 2019

UKA2019/108

Inatsisartut suleriesianni § 33 naapertorlugu aalajangiiffigisassatut siunnersuut imaattoq matumu-una saqqummiuppata:

Konfliktråd-imut inatsit nr. 467 12. juni 2009-meersoq, tassa pineqaatiseereersimanerup qaangernerani pinerlussimasup pinerluffigineqartullu akornanni kiinneqatigiilluni oqaloqatigiissinnaanermut siunnersuineq, Kunngip akuerisaanik Kalaallit Nunaannut atuutilersinneqarsinnaasunnngortikkumallugu Naalakkersuisut danskit Naalakkersuisuinut isumaqatiginninniarnissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aleqa Hammond, Nunatta Qitornai)

Tungavilersuut:

Nunatsinni eqqartuussiveqarnermut oqartussaaffik tamakkiisumik Danmarkimit oqartussaaffigineqarpoq. Oqartussaaffiup ullutsinnut Kalaallit Nunatsinnut tulluurtumik inerisaavigineqartuarnissaannut politikikkut oqartussaaqataanisigut akisussaaqataasumik inerisarnissaanut pi-sussaaffeqarpugut.

Konfliktråd Danmark-imi 2009-mili inatsisitigut tungavilerneqarpoq, taassumalu siunertaraa pineqaatinneqareersimasut pinerluffigineqarsimasullu akornanni akunnermiliuttumik peqatateqartinneqarluni pineqartut marluk akornanni oqaasertaleeqatigiissinnaanermut periarfissiineq, tamannalu pisinnaavoq pineqaatissinneqarsimasoq pineqaatissiissutigineqarnerata naareernerta kingorna. Inatsit atuutilersinneqarmat Kalaallit Nunaannut atuutilersinneqanngilaq, Kunngilli akuersineratigut atuutilersinneqarsinnaalluni.

Misilittakkat takutippaat, Konfliktråd pilersinneqarneraniilli pineqaatissinneqarsimasut pinerloqqissinnaanerminnut tunuarsimaarnerulertarnerannik aammalu pinerluffigineqarsimasup pinerluuteqarsimasoq qanimut naapissimaneratigut oqaasertaliisimanerullu kingunerisaatigut ersineq, ernumaneq toqqissisimanginnerlu annertuumik ingalassimatinneqarsinnaasimasoq.

Inuiaqatigiinni ikittuinnaagatta amerlasuutigut pinerlussimasoq pinerluffigineqarsimasorlu illoqarfeqatigiittarput imaluulluunniit nunaqarfeqatigiittarlutik. Misigissutsip oqaasisallu anninnissaannik imaaliillaannaq pisinnaaneq ajornerisa kingunerisaanik inuuneq oqimaattorsiorfigineqarsinnaasarpog ingerlariaqqinniarnierlu oqittuinnaasarani. Konfliktråd atuutsinneqartarpoq illua'tungeriit akuersinerisigut, akunnermiliuttorlu politiussaaq imaluunniit politiit immikkut toqqagaat.

Nunatta Qitornai

Inatsisartuni



Danmarkimi konfliktråd atorluarneqartarsimasoq Inatsisartut inatsinut ataatsimiititaliami paasisassarsiornermi paasivarput, tamannalu iluarisimaarneqartoq paasinarluni. Isumaqarpugut Nunatsinnut periuseq tulluartaussasoq Nunatsinnilu Politeeqarfimmit ingerlanneqarsinnaasuunera pissusissamisoortut isigineqassaaq soorlu tamanna aamma Danmarkimi politiit ataaniittoq. Im-mikkut aningaasaliissutigineqarsimanngitsoq paasitinneqarpugut suliasalli ataanni inissisimatinne-qarluni.

Inatsit Kalaallit Nunaannut atuuttussanngortinneqarsimanngimmat Kungillu akuerisaatigut atu-tilersinneqarsinnaasunngortitaq isumaqarpugut Inatsisartut tunuliaqutsiinerimikkut Naalakker-suisuit Danmarkimi Naalakkersuisunut isumaqatigiinninniarnermik kingorna Kalaallit Nunaannut atuutilersinneqartussanngorlugu suliakkiunneqassasoq, neriutigaarpullu Inatsisartut siunner-suummut tapersiilluarumaartut.

Pisortanut aningaasatigut allaffissornikkullu kingunerisassai:

Naatsorsuutigineqassaaq inatsimmut atuuttumut allannguuteqartoqassasoq, tamannalu Folke-tingimit inatsisitut akuerisaareersimasoq Kungip akuersaarneratigut danskit Naalakkersuisuinit atuutilersinneqassaaq. Namminersorlutik Oqartussanit aningaasartuutigineqarnissaa naatsor-suutigineqassanngilaq.

Namminersortunut aningaasatigut allaffissornikkullu kingunerisassai:

Soqanngilaq

Innuttaasunut aningaasatigut allaffissornikkullu kingunerisassai:

Soqanngilaq